

籌辦夷務始末

籌辦夷務始末卷之五十六

咸豐十年庚申七月癸巳

欽差大臣科爾沁親王僧格林沁直隸總督恆福奏六月三十日

恭奉

硃諭一道奴才僧格林沁敬謹聆悉又承准軍機大臣密寄二十九

日奉

上諭唐兒沽既被占踞夷勢自必益張等因欽此現在人心已定

若奴才僧格林沁回守天津必致人心搖動大沽之防恐不

可恃且天津濠牆礮位遠不如大沽該夷船隻一經入河

津郡萬難保全是現在情形惟有嚴守大沽奴才等連日設

法布置於沿河築牆。撥運礮位。並激勵馬步官兵。竭力固守。如有畏葸退縮。即以軍法從事。現在查出二十八日首先敗退之甯化兵。業經正法。傳首各營。仍傳知各營將領。嚴加防範。如該夷來撲。我兵抵敵。若僅出村瞭望。或隔河窺探。不得擅開槍礮。其北岸兵。亦不得出隊前往攻擊。可慮者大小梁子。若該夷渡河占踞。大沽倍形喫重。雖有濠牆。均係本處紳民捐辦修築。不甚堅厚。現在晝夜培補。豎立木椿。以期穩固。惟村民逃走一空。無從覓人夫。惟令兵丁工作。所有各項布置。再有數日。可期嚴密。該夷越河來撲。堪以抵禦。再粵恆福。給與該夷兩次照會。尚未照

覆。謹將二次照會鈔錢。恭呈

御覽。再各營大小官弁。如有臨敵退縮。及亂言惑眾者。等僧格林沁。擬即以軍法從事。合併附陳。

諭軍機大臣等。前因僧格林沁等奏。唐兒沽被夷占踞。大沽礮臺危急。當由六百里加緊發去硃諭一道。令僧格林沁。妥籌大局。辦理。茲據奏稱。固守天津。必致兵心搖動。夷船一經入河。津郡萬難保全。現在情形。惟有嚴守大沽。已連日設法布置。激勵馬步官軍。竭力固守等語。覽所奏情形。自屬確有見地。著即激勵南北兩岸在防將士。悉力固守。如有臨敵退縮。及亂言惑眾者。該大臣即當以軍法從事。以嚴紀律而固軍心。現已由恆福兩

次給與該夷照會。儻該夷從此就撫。事機固順。如或再肆猖獗。該大臣督軍擊退。則津郡與京師皆可無虞震動。萬一事機緊急。該大臣總當恪遵硃諭。斷不可因執己見。諒該大臣必能仰體朕心。勿專以大沽為重。置京師於不顧。孰輕孰重。又何待朕屢次諄諄訓諭也。

又

諭。本日據僧格林沁等奏。大沽兩岸布置嚴密等情形一摺。並據軍機大臣將恆福寄伊等信函進呈。均已閱悉。夷人接二十八日照會後。業已豎立白旗。該督於三十日。復將現已派有欽差赴津。給與英佛照會。雖尚未接有覆文。或可望其就撫。昨已派

文俊。恆祺。前往北塘海口。伴送咲佛使臣來京。約於日內可到  
津城。著恆福。再行給與照會。以欽差業經趕到津城。即可前赴  
北塘。與額噶兩首會晤。由文俊等伴送來京。辦理換約之事。如  
該夷肯應允。不妨優加禮貌。或在天津先行筵宴。令其欣從。不  
至妄生疑慮。至該夷首行走道路。總宜設法宛轉。令其由北塘  
進京。方無意外之虞。昨諭更換小船。准由大沽進口一層。且不  
可先行提及。俟該首等遞到覆文。或有遲疑。即著飛速馳奏。候  
旨遵辦。僧格林沁專意力扼大沽。不肯撤回天津。保衛京師。實  
深慮念。已另諭該大臣矣。惟事勢如果緊急。恆福總當設法保  
全。不令遽蹈危險。此時不可過於急切。轉致激其意氣。毅然不

顧。朕為維持大局。愛惜人才。該督自能仰體此意也。

給。吳。咭。利。佛。爾。晒。照。會。

為。照。覆。事。前。經。兩。次。照。會。尚。未。接。准。照。覆。本。督。部。堂。於。六  
月。三。十。日。辰。刻。恭。奉

諭。旨。業。經。派。有

欽。差。大。臣。前。來。議。事。不。日。可。到。等。因。欽。此。相。應。照。會。貴。大。臣。查。照。  
並。祈。轉。行。水。陸。各。軍。停。止。干。戈。以。免。兩。有。損。傷。有。失。和。好。  
為。此。照。會。

長。蘆。鹽。政。寬。惠。鹽。運。使。崇。厚。奏。竊。等。奉。軍。機。大。臣。傳。諭

六。月。二。十。九。日。奉

上諭。本日據僧格林沁奏等因。欽此。伏查唐兒沽為南北礙臺後路。情形萬分危急。該夷現既占踞唐兒沽。難保不分股直撲天津郡城。查唐兒沽至津陸路僅八九十里。地勢平行。處處可通。既無要隘可扼。又無重兵駐守。故才等前聞唐兒沽被占。警報頻傳。津郡人心頗為震動。即飭會督將弁兵勇在於濠牆上。晝夜瞭望嚴防。其城內關廟居民數十萬戶。誠恐奸匪濶跡。乘間竊發。並飭地方官會同紳士等。雇募鄉團。聯絡鋪勇戶勇。合力保衛。人心藉此稍定。一面遴派弁兵。節節遞出偵探。此故才等近日布置之實在情形也。

茲奉



聖諭諄諄。等惟才有殫竭愚忱。加意守禦。如果該夷肆其狡猾。乘突而來。自當遵

旨派員前往。與之晤面。等現已豫先擬定派委天津縣知縣姚聰。屆時帶同前年與該夷議和相識之紳士等。相機開導。並告以

大皇帝已

欽派大員前來。與爾國議事。即日可到。以遏其鋒。惟天津為

京師門戶。津郡之安危。關係天下全局。等受

恩深重。當此時事艱難。自當熟籌妥辦。斷不敢稍涉大意。有誤事機。第津郡五方雜處。人心浮動。惟有仰懇

天恩。惟令

欽派大臣。迅速前來議撫。以維大局。而固人心。  
硃批知道了。

福建道御史許其光奏。竊維夷人狡詐而多疑。堅忍而好  
勝。上年在津。為我兵擊敗。維時。臣在粵東本籍。捷音至日。  
雖婦孺亦額首稱慶。夷人畏。異常。本年挾其宿憤。欲圖  
報復。前經占踞山東煙臺地方。臣即奏言若非明奉  
諭旨。斷難鼓舞人心。振作士氣。邇日自津來者。言夷船約百餘號。  
駛進北塘。登岸施放槍礮。此其志不專在天津。將欲以廣  
東之故智。施於

京城也。查廣東於咸豐六年冬間。夷人盡燬省河內外礮臺。葉名琛誤聽諜言。嚴令將弁不得回放槍礮。遂致該夷肆無忌憚。嗣得在籍紳士張敬修督勇固守東關。每於夜間水陸互攻。夷人不勝其擾。於十二月退回外洋。七年五月。葉名琛盡撤防守團練各軍。人於十一月初猶在省河。張桂免戰白旗。突於十三日攻城。各鄉練勇聞信。於十五早趕到。而夷人已於十四日午時闖入。前撫臣柏貴會同將軍出示。不准練勇入城。嚴飭旗綠各營。不准帶器械。該夷因得在城內布置周密。遂有二十一日葉名琛出洋之事。此廣東省失事之的實情形也。省城失事之後。距城

北二十里之石井鄉。聯結遠近各團。合力拒守。以待

朝命。遇有夷人游奕北路者。立即鳴鐘出眾。驅逐回城。該夷屢挾柏貴。派官兵會同夷兵。前往石井。皆以鄉民勢。而止。迨在籍侍郎羅惇衍等奉

命辦理團練。駐劄花縣。即以石井為門戶。當夷人初入粵城。氣燄方張之際。鄉團奮臂一呼。猶。自強若此。豈近

畿重地。獨不能與夷人抗衡乎。八年四月。廣東有黃廉塘之戰。殺斃真夷兵百餘名。斬獲夷酋首級。奪獲馬劍等件。其時城外東西北三面。皆練勇駐劄。夷情頗為窮蹙。旋有暫撤團練之議。柏貴先以飛檄通行近省州縣。而羅惇衍等

亦節節為退兵之計。夷人探知石井勇練裁撤。所餘無幾。遂以大股攻撲石井。於八年十二月。燬其村墟。團長舉人梁棟訓。房屋被焚。僅以身免。從此國練寒心。無與夷人攻擊者矣。然柏貴等。自夷人入城後。日與議和。亦迄無端緒。臣愚以為今日之事。宜以葉名琛柏貴之撤兵議和為炯戒。苟急與議和。夷人必先以撤兵之說進。一兵一撤。自棄藩籬。夷人必燬我軍裝防具。使我不能欲振。任其魚肉而後已。兵縱不撤。而有撤兵之信。傳揚於外。兵心不安。必有懈志。彼乘懈以擊我。鮮有不敗。而彼反以不撤兵為我自致敗之道。此其志有不勝言者。

皇上天聖聰明。自無不料及此。而臣持鯨鯨馬過慮者。誠有慨於  
廣東之覆轍也。伏願

宸衷獨斷。力破羣疑。一面添派勁兵。固守天津一帶。一、飛飭山  
東廣東各督撫。用兵牽制。使夷人首尾不能交顧。自然思  
退。臣素聞夷人將有舉動。其口糧必先備辦。若干月日。皆  
有一定之期。過期則需內地。給應請

旨嚴飭天津軍營。斷絕接濟。抑或誘令深入。相機痛勦。切不可因  
有和之一字。稍形懈怠。并請

飭下大學士九卿京堂。將現在天津夷務。應如何辦理之處。悉心  
妥議。各行所見具奏。俾下情無可壅蔽。伏乞

皇上聖鑒訓示。

甲午。

諭軍機大臣等。據載垣等呈。遞大沽海口探報。內稱二十八日。侍衛布爾和德。解到所獲夷人十五名。內有廣西長髮賊十名等語。該夷此次來津。帶有長髮賊。是該夷與粵逆勾結。已可概見。現在恆福。給與喇嘛照會。該夷如從此就撫。僧格林沁自應固守大沽礮臺。若該夷決意用兵。事機緊要。該大臣仍當察看情形。遵照前旨。擇要扼守。不可專顧礮臺。致誤大局。並該得力之員。扼守大沽。以防夷船闖入。方為妥善。該夷既與粵逆連為一氣。即或我軍攻勦得手。亦必揚帆而去。邀集髮捻各匪。水陸並

進京師更為緊要。仍賴該大臣帶兵迎擊。以資捍衛京師。此係通籌全局。非僅為保全該大臣一身計也。所擒夷人五名內。如有俄味兩國之人。不可傷害。派員送還。並照會該二國。既與中國和好。爾國之人。斷非助戰。想是誤被裹脅。其如何回答。俟佛二夷。接到照會。有無回信。並著迅速馳奏。以慰廑念。

山東巡撫文煜奏。竊臣承准軍機大臣密寄。六月十四日奉

上諭。文煜現今委員董步雲折回登州。著即密飭該員。如探明煙臺海口。實有味夷船隻。可即設法詳細開導。即味夷並未到彼。或得見佛夷。亦可向其曉諭等因。欽此。查委員董步雲前由登



州折回煙臺。先遣巡檢嚴國初往見夷酋。約期相會。該夷孟酋不肯見面。旋即駕船北駛。僅口所謂三將軍者駐守煙臺。董步雲隨復轉回登州。臣前奉

旨。以煙臺夷船甚眾。恐有味夷夾雜其內。投遞信函之事。當即咨行詳細確查。據鎮道府縣探明該處僅有味夷。並無味夷。亦無投遞信函之事。今蒙

諭旨。自應專向佛夷設法開導。孟酋雖已北行。以有留住煙臺之三將軍。當即札飭董步雲再赴煙臺。欽遵

上諭指示各情。作為已見。詳加開導。看其如何答覆。再當相機辦理。臣現接准

欽差大臣親王僧格林沁移營。六月十五日。夷人由北塘上岸。占  
泥村莊。十七日列隊進撲唐兒沽營壘。經官軍迎頭截擊。  
該夷敗退回村等因。此次受創。未知何國之兵。是佛夷。  
坐動銳氣。勢必仍回煙臺。彼時該委員再與面向勸諭。能  
令夷酋自悔興師。有失無得。則事機旋轉。似易為力。並不  
使佛夷再受俄夷播弄。容俟董步雲前往開導。該夷作何  
答覆。當即隨時馳奏。至於夷船是否由利津海豐等處登  
陸。若待偵探信至。然後派員前往理阻。勢已不及。臣現札  
委候補知州彭垣。先赴利津一帶坐守。如果夷船由彼登  
岸。一面飛速稟聞。一面先向勸阻。并令該員在鐵門關各

處相度地勢。臣臨時統帶官兵馳赴該處。調集團勇設法防堵。不敢先行開仗。亦不敢聽其未入。所有兵勇俱令扮作民團服色。勿露官兵氣象。使該夷無所藉口。以為異日轉圜地步。夷船北駛後。該處僅存二十隻。連日又據鎮道府縣陸續具報。連前共存二十五隻。仍飭該處文武嚴密防範。

硃批知道了。

察哈爾都統西凌阿奏。六月三十日午刻。承准軍機大臣字寄。六月二十九日奉

上諭。本日據僧格林沁奏稱。夷人已由新河攻入唐兒沽地方。大

沽曠臺萬分危急。著西凌阿即將營城駐劄之吉林馬隊刻即統帶前赴大法。救援後路。與僧格林沁合力夾擊。以分賊勢。欽此。努當即統帶吉林等營官兵。刻期啟程。所有營城兩岸駐劄察哈爾官兵二千名。吉林黑龍江官兵五百名。前於六月二十六日。夷人攻撲新河時。努已派撥察哈爾馬隊前往助剿。殲斃夷人數十名。生擒夷人及廣東人共十九名。除將傷病甚重廣東人三名就地正法外。其餘十六名。當即派弁解赴大法。交僧格林沁訊辦矣。旋因逆夷欲撲軍糧城津道。努派撥吉林黑龍江察哈爾官兵九百名。已於六月二十七日。馳赴軍糧城津道要隘堵剿去後。今奉

諭青夷人已由新河攻入唐兒沽地方。擘自應趕緊前赴大法與  
僧格林沁合力夾擊。以分賊勢。其派撥軍糧城堵勦官兵  
現時津道較緩。應即一併帶赴大法。以厚兵力。再派往清  
河。湖河各口。沿海要隘。哨探官兵。尚未回營。以及營城駐  
守。統共酌留馬步官兵一千名。擘面交護理通永鎮總兵  
海紋管帶。其餘馬隊官兵。擘帶赴大法。  
硃批知道了。

直隸布政使文謙奏。竊擘於六月三十日。接奉軍機大臣  
傳諭。六月二十九日奉

上諭。連日疊據僧格林沁等奏。瑛佛等夷。占踞北塘等因。欽此。擘

道查直隸綠營各官兵。除馬蘭泰甯二鎮存兵守護

陵寢重地。暫緩調撥。又天津通永兩鎮兵丁。正值防勦喫緊之際。

至大名鎮兵丁。現在大順廣一帶防堵。亦屬緊要。均未便

抽調外。才與署督標中軍副將崇福。詳細酌商。當茲軍務

緊急。自當就近。先在督標各營內。揀派兵四百名。提標各

營內。揀派兵三百名。宣化鎮各營內。揀派兵五百名。正定

鎮各營內。揀派兵三百名。共計兵一千五百名。移會各提

鎮。趕緊挑選。配齊軍火。派員管帶。先行啟程。馳赴通州。聽

候調遣。至統帶大員。現惟正定鎮總兵三星保。著宣化鎮

總兵棟發。副將金泰二員。本營現無緊要事件。已飛速稟

商督臣恆福酌派一員飭往統帶其餘兵一千五百名客  
即趕緊查明各鎮營存兵數目即送派撥飭調赴通另行  
奏報

硃批知道了

乙未

欽差大臣科爾沁親王僧格林沁直隸總督恆福奏竊等七月  
初一日承准軍機大臣字寄奉

上諭已特派文俊恆祺等因欽此  
恆福即日照會英帶二夷一體遵照  
初二日辰刻夷人四名持有白旗至海河北岸當  
即派弁迎往據稱欲見總督有面說之話隨將該夷用小

船渡至<sup>於</sup>恆福寓所。該夷遞出照會一件。<sup>於</sup>恆福答以  
大皇帝已派

欽差大臣在京等候而議。並派大員前來。伴送進京。即日可到。如  
必要走大沽海口。即用我國船隻行走。該夷仍稱必要按  
照會辦理。不能更改。<sup>於</sup>恆福告以照會所開各條。應具奏  
請

旨。俟奉到

諭旨。再行知照。兩國原係和好。即可從此罷兵。該夷則稱此話回  
去轉達。至於用兵之事。額首亦不能作主。全在水陸二軍  
等語。該夷等旋即渡河回村。<sup>於</sup>恆福恐該夷傳述不明。復



又料給照會<sup>等</sup>等料該夷之意必將全力攻撲大沽及兩岸礮臺。總欲遂其心志而後已。無論如何設法轉圜。曲為開導。及一切條約。均如所請。斷不能息止兵戈。<sup>等</sup>等。惟有激勵將士。勉以忠義。以期竭力抵禦。僅邀我

皇上洪福。擊退該夷。大局可望轉機。辦撫亦易得手。謹將<sup>等</sup>等恆福初一初二等日。給與該夷照會。並初二日接得該夷照會鈔錄恭呈

御覽。再<sup>等</sup>等西凌阿。已於初二日到營。現在大沽迤西之鄧善沽地方駐劄。防守河岸。合併附陳。

僧格林沁等又奏。正德摺聞。該夷乘船渡河。攻撲大小梁

子因該處樹木叢雜。馬隊不能前進。該夷登岸。礮火齊施。馬隊屯剝不住。已被該夷占踞。該夷所坐船隻。即係甯波船二隻。並新河唐兒沽湖溝以內。原有小船。該夷縛紮渡河。該夷既經渡河。現在馬步官兵。仍行抵禦。等惟有力嚴守大沽。

恆福又奏。本月初二日。等接見夷人。並接收英夷照覆。語多狂悖。勢難轉圜。各緣由。已經會同

欽差大臣親王僧格林沁具奏在案。茲於本日未刻。承准軍機大臣字寄。奉

諭旨。等所寄王大臣信函。仰蒙

聖鑒并蒙

諭僧格林沁專意力挽大沽。不肯撤回天津。實深慮念等因。欽此。

等  
自當仰體

聖意。竭力設法保全。惟夷人桀驁性成。必欲將兩岸礮臺占取。使河道通暢。直抵津城。且欲俟得有礮臺之後。務將二月間所開各條概准。方能罷兵等情。是其驕傲之意。斷非口舌所能爭。為今之計。惟有仰懇

天恩。明降

諭旨。將該夷所請各款。

俯賜曲從。並

飭軍機大臣。徑行照會該夷。使其得有顏面。可以回國。或可其其  
息兵就範。實為萬幸。等因時勢危迫。恭摺密陳。不勝急切  
待

命之至。

硃批。戰機已決。挽回無術。現仍擬由文俊等。轉覆該夷。不過希其  
萬有一得。以不改前年原約為釣餌也。

恆福又奏。初二日辰刻。接到奕夷照會。已於未刻由六百  
里馳奏在案。兩刻聯夷二名。亦執持照會前來請見。等當

與接見。該夷言語。一味狂悖。其照會內。雖係按照二月條  
款。及派有全權大臣前來。曉得垂聽。而言語之間。仍欲占

踞兩岸礮臺。其情形與倭夷無異。斷非言詞所能挽回。等語。隨給照會。交該夷等持回。謹將帶夷照會二件。及等語。給于該夷照會鈔錄恭呈。

御覽。

硃批。知道了。

恆福又奏。敵勢萬分猖獗。大沽天津。難以保全。可否仰懇天恩。飭由軍機大臣。迅即照會該夷。

俯如前請。撤去大沽之防。或可稍有轉機。並請

諒諭僧格林沁。先行前往近

畿一帶。扼要駐劄。保衛

神京。責成於會同樂善。曾在軍營。徐圖撤防。

硃批覽。

諭軍機大臣等。僧格林沁等奏。接得漢夷照會。誣為狂悖。鈔錄呈覽。并該夷占踞大小梁子各摺片。又據恆福奏。夷情緊急。請由軍機處。迅即照會等語。旋據奏報。接到喇夷照會呈覽。該夷言詞狂悖。其意將以全力攻撲大沽。及兩岸礮臺。現復占踞大小梁子。夷勢萬分猖獗。現由軍機處。擬出照會。已交文俊等。轉達該夷。其能否聽從罷兵。尚未可知。該大臣等。自當固守礮臺。悉力抵禦。恐該夷攻撲礮臺後。而營外並無援兵。本日已傳諭寬惠等。令其揀派得力之官紳。帶領天津兵勇。馳往大沽一帶。救

援。俟兵勇到時。僧格林沁。恆福。即派員管帶。相機攻剿。並諭寬  
惠等將天津以南州縣各民團調出。遙為聲援。以助兵勢。山海  
關馬隊。已諭增慶等。令其飛催前進。該大臣等。惟當激勵兵勇。  
內外夾擊。將該夷痛加勦洗。以解礮臺之危。俟該夷少挫。或尚  
易於轉圜。儻該夷攻撲礮臺。大沽萬難固守。該大臣仍當遵照  
硃諭。帶領得力官兵。保全津郡。即以捍衛京師。不可稍涉拘泥。  
是為至要。江蘇委員藍蔚雲。黃仲金等。於五月二十六日。由上  
海陸路啟行。約此時當抵直境。著恆福飭令地方官。查明該員  
等行抵何處。即催令迅速前往大沽。聽候差委。

又

諭前據僧格林沁奏。夷人占踞唐兒沽。大沽後路。萬分喫緊。天津馬隊。不敷勤辦。著增慶。即將僧格林沁所調山海關。吉林。黑龍江。官兵一千三百名。交格綱額帶管。飛速馳赴天津。探聽大沽情形。取路前進。聽候僧格林沁調遣。以資救援。

又

諭前因夷人將北塘唐兒沽占踞。大沽礮臺危急。當諭令托明阿。挑撥馬隊一千五百名。成凱。英棟。德勒克多爾濟。挑選駐防兵一千名。春佑。挑選熱河兵五百名。譚廷襄。挑選陝西兵三千名。慶昫。挑選馬隊二千名。文謙。挑選直隸兵三千名。並文煜。將本年原調之山東兵三千名。恩燾。將本年原調之青州德州兵五



百名。破崇武。酌量於密雲調撥若干名。均即趕緊調派。馳抵通州。聽候調遣。該將軍等接奉前旨。諒已欽遵辦理矣。本日據僧格林沁等奏。大沽後路喫緊萬分。著托明阿等遵照前旨。迅即調齊各兵。速派妥員管帶。星夜馳赴通州。不得稍事遲延。致干重咎。文謙所調各營兵。昨日據報已派一千五百名赴通。未調各兵。仍著趕緊派撥。以厚兵力。

又

諭。本日據僧格林沁等奏。夷匪占踞大小梁子等語。該夷現以全力攻撲大沽。及兩岸礮臺。勢極猖獗。雖有西凌阿等馬隊。尚恐兵力單弱。不敷攻擊。大沽為天津門戶。保大沽即所以保天津。

著傳諭寬惠崇厚將防守天津之兵。派令原帶各員。悉數帶往大沽一帶。合力勦辦。該郡練勇。向稱勇敢。並著選派素得民心官紳。帶往助勦。所有兵勇。前抵大沽後路。仍聽僧格林沁派員管帶。其天津以南附近各州縣民團。並著寬惠等。悉數調赴大沽左近。遂為聲援。雖不能與該夷接仗。亦可以遠助兵勢。該鹽政等務當迅速籌辦。不可稍涉延緩。至天津城守事宜。即著寬惠等督同地方官。嚴密布置。是為至要。

西甯辦事大臣文俊。武備院卿恆祺奏。竊奴才文俊。恆祺。於

六月二十九日。面奉

諭旨。到津。照會英佛二國。來京互換和約。奴才等。即於次日啟程。七

月初一日。行抵楊村。途次接准軍機大臣字寄。六月三十日奉

上諭。本日據僧格林沁等奏等因。欽此。同日又另奉

上諭一道。等等。敬謹收存。備給該夷閱看。等等於初二日辰刻。行

抵天津。遵

旨商定照會錄出。蓋用天津鈔關關防。飭委苑副舒麟。候補府經歷張文熙。送至該夷處所。一俟接有照復前來。如何情形。

即行馳奏。仰慰

聖懷。謹將辦照會原底照錄。恭呈

御覽。

硃批知道了。

諭軍機大臣等。本日據文倭。恆祺奏。行抵天津。照會暎佛兩國等語。覽奏已悉。現在恆福等。接有暎佛兩酋照覆各件。當令軍機處再行擬覆照會。即著文倭。恆祺。送給暎佛兩酋。毋稍延誤。如與該酋會晤。即按照照會所言答覆可也。

給暎佛兩酋咨文。

辦理軍機處。為咨行事。本日據貴大臣等奏。行抵天津。委員送交暎國照會等語。又據直隸總督恆。呈遞暎國照覆內。據稱。因二月間求要各節。致咨舉動等因。貴大臣應行照會暎國。現在已派出。

欽差大臣在京面議。所有和約內五十六條。既經定議在先。自應即照上年味國之例。進京互換和約。以敦和好。至本年二月所定之四條。俟來京會晤派出之

欽差大臣後。如所言均在情理之中。亦無不可商辦也。須至咨者。給佛蘭西咨文。

辦理軍機處。為咨行事。本日據貴大臣等奏。行抵天津。送交佛國照會等語。又據直隸總督恆。呈遞佛國兩次照覆內。據稱。遠允二月所定之條等因。貴大臣應即照會佛國。現在已派出

欽差大臣在京面議。所有和約內四十二款。並附載六款。既經定

議在先。自應即照上年味國之例。進京互換和約。以敦和好。至本年二月所定之四條。俟來京會晤派出之

欽差大臣後。如所言均在情理之中。亦無不可商辦也。須至咨者。  
浙江巡撫王有齡奏。竊味啡二國。突至定海廳城。並有夷人進城居住緣由。經臣恭摺奏明在案。茲於六月初十日。承准軍機大臣密寄。五月二十三日奏

上諭等因。欽此。伏查味啡二夷。自閏三月初三日到定後。即有夷兵約三四千人。輪流入城操演。夷目分段巡查。並強索錢糧徵冊。擅入監獄。嗣又向各衙署信任。兼以撥兵巡街。聲稱按月須貼巡費銀兩。前經臣玉諭蘇松太道吳恩。派能

通喚佛言語之通事二人。前往定海。妥為理諭。亦未辨有端倪。該署同知甘炳。節次前向開導。已將取去做冊送還。其前索巡費每月九百兩。亦允減至四百兩。四月二十三日。城內夷人紛紛上船開行。仍未全行退出。其後忽進忽出。未能查其確數。兩月以來。尚稱安靜。茲據甘炳兩次稟稱。五月二十一日。佛夷德首來署。仍以巡費一事。再三纏索。必欲每月給伊一國銀四百兩。復云一二日內。遣喚夷人一同來索。二十二日。德首令該國新到之夷目陶姓。協同喚夷許士。並夷兵多名。擁至廳署。據稱。巡費各須四百兩一月。自該兵船到定之日起。扣至五月十二日止。計兩箇

月零十日。應各算給九百三十三兩。於十日內付清。以後各四百兩。按月照付等語。勢甚洶洶。該同知百端婉諭。總置不係。忿忿而去。六月初一日。復至該署。云已到十日之期。立欲偏取。該同知說之再四。始允將每國九百三十三兩一款。定於本月十四日全付。五月十三日以後。一箇月費八百兩。定月底付楚。該夷犬羊性成。勢難再說。給之則無款可籌。不給則必致決裂等情。具報前來。竊思該夷占踞定海。肆意要求。一切情形。無不令人髮指。所有該廳徵冊。業經取還。該夷亦尚無覬覦錢糧之意。惟屢次勒索巡費。形同無賴。窺其意指。雖不過貪利起見。而定海係瘠苦



之區。無從給與多銀。况一經照會。必至得步進步。向沿海各處索詐不休。斷難允其所請。然現在逆氛方熾。內患未平。既有不能用兵之勢。而屢經密飭地方官。激勵民團。與之為難。亦無成效。臣動形掣肘。憤懣填膺。查初次勒索。僅止佛夷一國。嗾夷乃聽其招使而來。其狂妄情形。亦惟佛夷為可惡。擬再令紳商等。先向嗾夷婉言勸導。以冀稍分其勢。哲事羈縻。而能否聽命。實無把握。惟有一面飭令各屬。不動聲色。妥為防範。免致疏虞。

硃批。覽奏已悉。

丙申。

諭內閣。光祿寺少卿焦祐瀛。翰林院侍講學士張之萬。均著馳驛回籍。辦理團練事宜。

長蘆鹽政寬惠。鹽運使崇厚。奏竊照夷酋占踞唐兒沽以後。禁等遵

旨。多設偵探。加意守禦情形。業經恭摺會奏。茲於七月初二日。

欽派西甯辦事大臣文俊。武備院卿恆祺到津。當即繕就照會。借

用。禁寬惠。天津關關防。派委幹員齎投。尚未接其照覆。禁

等。於初二日夜。在津郡十里外之梁家園礮臺。督率將領

弁兵。巡邏防護。遙見正東一帶。紅光燭天。並隱隱聞有礮

聲。初三日卯刻。哨探弁兵回營。詢知該夷於初二日。曾派

委夷官教人。在督臣恆福處投遞履文。旋有夷酋覓水過河。開放槍礮。大小梁子亦被該夷所占。等伏思唐兒沽在河之北。大小梁子在河之南。今俱被該夷占踞。設使再以火輪船闖入大沽海口。則我南北礮臺三面受敵。更有應接不暇之勢。體察大沽情形。實屬萬分危迫。至營城等處防兵。本為接應天津後路而設。現已全行撤歸大沽。此時南岸之營城。軍糧城。北岸之葛沽。鹹水沽。均可直驅郡城。既無一險可守。亦無一兵駐劄。而一望平行。道路紛歧。四通八達。不特徑撲天津。中無阻隔。且可繞越天津。由楊村。河西務。直達通州。並可由香河。寶坻。徑撲通州。均無阻

做天津為

京師門戶。通州為近

畿。脅。甚。萬。一。稍。有。疏。失。全。局。震。動。所。關。匪。細。以才等。竊。念

聖恩寬大。許其進京換約。乃該夷忽爾投文。忽爾用武。陽為和好。

陰實窺伺。是其包藏禍心。殊不可測。查通州地方。現經大

學士瑞麟督帶重兵駐守。洵足以固藩籬。惟通州距

京甚近。若該夷已至通州。則燎原之勢甚熾。撫與戰皆非所

宜。等再四熟籌。保衛津郡。即所以保衛

神京。且可壯大沽後路聲援。並可截該夷分竄之路。而津郡

得此重兵駐劄。人心亦藉此安定。相應請

旨勅下大學士瑞麟。迅速移營天津郡城。以期緩急有備。再文俊  
恆祺與<sup>材</sup>等商酌。夷首現正鳩張。大沽情形萬分危迫。如  
再被該夷得手。誠恐益難辦理。現在約同<sup>材</sup>寬惠迎頭前  
往。擬再發給照會。以期挽回。<sup>材</sup>崇厚督帶將備等。仍在濠  
牆嚴密防守。

硃批。所請實難准行。

諭軍機大臣等。昨諭令寬惠崇厚。迅派兵勇救援大沽後路。當已  
即日啟程。大沽為天津門戶。必須極力保全。方為上策。本日復  
明降諭旨。令焦祐瀛張之萬。馳驛回籍。激勵民間。招集義勇。會  
同該處防兵。以資堵剿。天津百姓。素稱好義。諒必同心協力。踴

雖乎先。所需募勇口糧。必須豫籌接濟。著寬惠崇厚。不論何款。寬為籌備。准焦祐瀛等先為提用。俾濟要需。俟事竣後。由崇厚覈實報銷。以清款目。所有製備軍火。懸賞殺賊。一切事宜。均照焦祐瀛等呈遞寄寬惠等信面辦理。該少卿等未到之先。即著寬惠崇厚督同天津府知府石贊清及本地紳士。先行籌辦。並雇募勇丁。不得招致無業游民。以防奸宄。是為至要。

密雲副都統玻崇武奏竊。於六月三十日。承准軍機大臣字寄。六月二十九日奉

上諭。連日疊據僧格林沁等奏。喫佛等夷。占踞北塘村莊等因。欽此。當即謹遵。

旨酌裁。挑選精壯兵五百名。帶隊官十員。辦事官一員。軍功筆帖式一員。貼寫兵五名。並派協領常溎保。作為營總管帶。配齊軍裝器械藥鉛等項。分為兩起。於七月初五初七兩日啟程。前赴通州。聽候瑞麟調遣。

硃批。知道了。除現調五百名外。堪備再調。尚有若干名。著迅速具奏。

丁酉。

諭內閣。著派協辦大學士戶部尚書周祖培。兵部尚書陳孚恩。工部左侍郎潘曾瑩。右侍郎宋晉。會同五城御史。辦理團防事宜。

又

諭。御史陳鴻翔著回籍辦理團練事宜。

長蘆鹽政寬惠。鹽運使崇厚奏。竊等奉軍機大臣傳諭。

七月初三日奉

上諭。本日據僧格林沁等奏。夷匪占踞大小梁子等因。欽此。等

查大沽為天津門戶。其附近之唐兒沽。大小梁子。現被該

夷占踞。則大沽已三面受敵。前因兵力單弱。不敷防勦。遵

奉

欽差大臣科爾沁親王僧格林沁。札飭在於防守天津兵內。調撥

提標兵一千名。馳赴大沽。以資協勦在案。現在天津環城

濠牆。共安設旗綠兵五千餘名。等已飭原帶各員。趕緊



齊隊。剋日啟程。一面飛報僧格林沁。聽候分撥防剿。其練勇一項。現亦挑選精壯者二千餘名。配齊軍裝器械。遞派得力官紳管帶。聽候僧格林沁調遣。至天津郡城。既係大沽後路。且係

京師屏翰。當此事機迫切。防守亦應嚴密。現有津郡鋪勇三千餘名。本係各項商民。自行聯絡。協力守望。即行在於郡城關廂一帶。晝夜巡邏。實力防範。以免奸匪涸跡。等。仍雇募壯勇。分撥防守。以壯聲威。至附近天津以南各州縣民勇。係散處各屬村鎮。或百數十名。或數百名不等。無事則安本業。有事則共相防護。本與練勇不同。且天津所屬

地面遼闊。良莠不齊。難保無土匪鹽梟。乘隙四起。必應豫為之防。現今分飭各州縣。督率民勇。各按地段。認真巡緝。藉以定人心。而靖奸宄。勢難徵調。等。伏念夷酋登岸以後。緊要處所。俱為該夷所踞。大沽已成孤立之勢。等。詳籌熟計。該夷以傾國之師。蜂擁而來。其意原重在轉圜。藉以誇耀夷眾。並非利我土地。且以目前大沽之勢論之。亦不宜再與一戰。戰則已成彼逸我勞。彼主我客之勢。惟有迅為議撫。方可補救目前。現象。

欽派大員到津。自能設法妥辦。惟該夷所重者。總須便宜行事。合

無仰懇

皇上俯念大局之安危。關繫甚重。迅

賜簡派職分最崇之大臣前來。並

頒給關防。

許以便宜行事。全權字樣。方為該夷所信服。冀可息靜干戈。等

受

恩深重。目擊時勢艱難。情事迫切。不敢安於緘默。謹披瀝據實上

陳。

諭軍機大臣等。本日據寬惠等奏。派撥兵勇赴援大沽。並防守郡

城一摺。所稱尚為周妥。惟夷氛逼近。大沽危急。現派去兵勇七  
千名。恐尚形單薄。昨已命焦祐瀛等赴津。并圖。並諭寬惠等先

行在募勇丁。著即招集素有身家義勇。順海河陸續前進。以為前勇後路聲援。一面固守濠牆。以保津郡。並照焦祐瀛等函內所稱。先行出示曉諭各勇丁。申明大義。令其同心殺戮。有能殲擒夷匪。及攻奪被踞村莊者。除賊之輜重。即行賞給外。並立予重賞。以期踴躍從事。現在北塘一帶。良民富戶。皆遠徙一空。僅存無業游民。此輩惟利是圖。恐為夷人招致。本日已有旨。令御史陳鴻燭。回籍料理團練。該員世居北塘。或能籠絡此項游民。安定北塘人心。不致為該夷所用。至賈家橋。為大沽餉道最關緊要。已諭僧格林沁。嚴密防堵。此外各處餉道。亦應分籌堵守。毋為該夷所踞。儻餉道有失。惟寬惠等是問。夷人炸礮火

箭猛烈。但將兵勇星分恭布。俟槍礮過後。分頭搶進夷隊。短兵相接。則炸礮火箭。無所施其伎倆。務當嚴飭帶勇各員。妥為布置。毋令為該夷所乘。方為妥善。正在寄諭間。接據僧格林沁等奏報。天津兵勇撥動。恐致人心惶惑。業已別行寬惠等。緩撥兵勇援應等語。大沽礮臺步隊甚少。必得天津兵勇前往援應。況防堵大沽後路。即以保衛津城。著寬惠等。仍遵前旨。將派撥兵勇。催令前進。並續募勇丁補額。以為防守郡城。接應前路兵勇之用。毋稍遲誤。

欽差大臣科爾沁親王僧格林沁直隸總督恆福奏。本月初三初四等日。承准軍機大臣字寄。奉

上諭。大沽探報。內稱。所獲夷人。內有長髮賊十名。本日已傳諭寬  
惠等。令其揀派官紳。帶領天津兵勇。馳往大沽一帶。救援各等  
因。欽此。查上月二十六日。檢獲夷匪廣匪<sup>等</sup>。等。業經附摺  
陳明在案。旋據解送來營。計英夷二名。廣匪十三名。並無  
廣西長髮逆賊。當將英夷二名。給還該夷。其廣匪十三名。  
因受傷甚重。亦經給與該夷。換回受傷兵丁八名。至天津  
之防。最關緊要。現在兵勇。一經撥動。必致人心惶惑。更難  
收拾。且大沽之西。現有西凌阿。德興阿。督率馬隊三千名。  
該夷雖已渡河。若西奔天津。馬隊迎頭截擊。東撲大沽。即  
可抄襲該夷之後。是以<sup>等</sup>。僧格林沁。劉行寬。惠等。暫緩派

撥兵勇前來援應。初二日。大小梁子之戰。擊斃賊匪百餘名。該夷抵死不退。占踞村莊。初三四日。由唐兒沽前往石縫礮臺之後。平整溝渠。夷人聚至數百名。並支搭帳房。意圖攻撲礮臺。經我兵開礮轟擊。始行潰散。日內該夷自必全力來撲。非在大沽。即係北岸礮臺。若能一戰擊回。辦理易於得手。

殊批。知道了。

僧格林沁等又奏。再文倭恆祺。到津後。遵

旨給與該二夷照會。現在尚未接有該夷照覆。等。細心熟商。該夷未給照覆。以先。文倭等萬不可即來海口。與該夷見面。

如接到該夷照覆。定期晤面時。總以前赴北塘。以免窺伺。大沽虛實。方為妥善。

硃批覽。

諭軍機大臣等。前諭令寬惠崇厚。迅派兵勇救援大沽後路。昨復諭令焦祐瀛張之萬。回籍辦理團練。招集義勇。順海河前進。併力堵剿。本日據寬惠等奏。遵拊防守天津。旗綠各營兵五千餘名。並挑選練勇二千餘名。派員管帶前赴大沽。聽僧格林沁調遣。大沽後路聲威已壯。惟該夷現在占踞大小梁子。逼近西沽。雖有馬隊屯劄。在彼守禦。恐亦未必得力。既有天津兵勇數千。足敷勦辦。著該大臣。懸立重賞。激勵衆心。內外夾擊。並派隊渡



河由唐兒沽進攻。以保北礮臺後路。不可全行調守濠牆。致令後援兵單。不能牽制賊勢。並須於賈家橋一帶。加意嚴防。以通餉道。尤為第一關鍵。其餘通大沽餉道如新城等處。亦須分籌守堵。毋為該夷占踞。八年間諸臣條奏。禦炸礮火箭之法。或用牛皮藤牌以避之。或分馬隊為兩翼。置之陣後。斜抄而出。使該夷不得抄我軍之後。或來夜進攻該夷。或挖濠溝數十道。俟該夷開槍。我兵即伏濠中。槍過越出。逼近敵前。使該夷火器無所施其伎倆。或以零星隊伍。誘其施放槍礮。突然槍入該夷隊中。短兵相接。亦可制勝。其言不無可採。著該大臣體察情形。相機籌辦。現在文俊等已馳赴大沽。前令軍機處擬給嘆唏兩國照。

會二件。諒已送交。該夷如何答覆。尚未奏報。恆福辦理撫局。是其專責。仍須設法轉圜。保全大局。惟現在戰機已決。該夷能否就範。尚未可知。勿墮該夷奸計。懈我軍心。是為至要。正在寄諭間。復據僧格林沁等。奏報夷匪情形。並札飭寬惠等。暫緩派撥兵勇等語。此項兵勇。本日已諭知寬惠等。仍遵前旨調往。保守大沽後路。即所以保守天津。且可疏通餉道。現在焦祐瀛等到津。即可續募勇丁。以資防勦。人心固不至於搖動。該夷業經決裂。占我村莊。與之決戰。並非繫自我門。現在兵勇厚集。該大臣自當相機勦辦。并嚴守南北礮臺。毋稍大意。至奏稱文俊等。宜與該夷在北塘晤面。已諭知文俊。恆祺。照辦矣。

又

諭前因恆福奏。接到嘆唏兩首照覆。當今軍機處擬給照會。咨文  
俊。恆。謀。轉行。本日據寬惠奏。大沽情形。萬分危急。文俊等。已前  
往海口。以冀挽回。該大臣等。行抵大沽。當已將軍機處擬給照  
會轉行。是否得有夷酋照覆。如何情形。有無可以轉圜之處。速  
即馳奏。正在寄諭間。復接僧格林沁等奏稱。該大臣等如接到  
該夷照覆。定期晤面時。總宜前赴北塘。以免窺伺大沽。虛實等  
語。著文俊。恆。謀。侯。接到該夷照覆。定有相見之期。再往北塘。與  
該夷晤面。是為至要。

山西道御史陳鴻翔奏。竊臣籍隸

發東。世居北塘。現接家信。聞逆夷於六月十五日。由北塘上岸。黑鬼子及紅頭布。約有萬餘。意欲暗襲大沽後路。十六日早。夷船俱進河內。向岸上運礮多尊。並有騎馬者。沿街擄掠。在東街修甬道。一路暗伏地雷。礮臺上安放大礮。並豎有佛國大旗。南面濠牆。加高培厚。亦安大礮。西面河溝二道。墊出馬道。以為軍廠。十七日直趨大沽。被防兵擊斃數十名。以後未敢出隊。忽於二十六日。又將新河占踞。竊思新河而南。即為唐兒沽。該處距大沽大營八里。距北礮臺較近。並不隔河。如北礮臺一有不測。則南礮臺斷難立腳矣。且由新河而西。四十里即為軍糧城。該處距天津河

東僅六十里。萬一逆夷另分一股。直犯天津。則危急更不堪設想。為今之計。臣愚以為應令北塘以北。營城駐守之兵。西由甯軍沽直趨北塘。攻擊逆夷後路。以分其勢。如夷人回顧北塘。則大沽情形。便可稍緩。並請

皇上明降諭旨。大作聲威。發京兵二萬。以為大沽援應。則逆夷必聞風而膽落。即沿河居民聞之。必皆鼓舞激昂。同思效命。儻北塘新河。任其久踞。恐其將北塘遮南之淤塞舊河挑通。直達新河口。則亦可由水路上犯大沽。並可直赴天津矣。再聞夷船進北塘河後。屢次窺伺營城礮臺。帶兵之員。聞而少卻。不思設法防夷。轉以逃避難民為奸細。查拏甚

繫人心極為不平。沿河居民破家失業。遺徙流離。既遭夷害。又被兵擾。苦累慘不可言。相應請

旨飭下地方官。將沿河各村難民。妥為安撫。毋使失所。以收人心。戊戌大學士瑞麟奏。竊於於本月初一日。率同文武各員。馳抵潞河。勘得南關外四里許。有

欽差大臣僧格林沁舊營三座。以地址尚形高闊。牆濠亦屬可用。即於此處暫行駐劄。分布官兵。安置礮位。惟此地。在咸豐八年。原為防河而設。距城稍遠。今大沽防堵嚴密。運河水勢又淺。河路似尚無虞。且夷匪現踞唐河沽。當以嚴防陸路為亟。查通州為

京師東南門戶。四路通衢。往來要道。有城可守。方為扼要。儻  
津沽聲息稍緊。擬將大營移於城中。並於外城關廂。分紮  
數營。以成犄角之勢。該州原設新舊兩城。接連一處。周圍  
約十五六里。紮周歷履勘。牆垣間有坍塌。尚須量為修補。  
現擬將修城完濠紮營各事宜。籌畫辦理。豫為守戰地步。  
庶免臨事倉皇。謹將州城繪圖帖說。並開列分營帶隊清  
單。恭呈

御覽。再紮統帶各營官兵一萬名。現已到齊五千名。下餘未到官  
兵五千名。是否即令來通。抑或暫緩啟程之處。伏乞

皇上訓示遵行。

瑞麟又奏。查河西務為通州要路。現有伊勒東阿管帶官  
兵四千名。在彼駐劄。恐未足恃。儘津沽聲息稍緊。是否由  
才添派官兵。前往接應。抑或令伊勒東阿帶兵回通。以厚  
兵力。俾資戰守。

瑞麟又奏。營中應用礮位。擬請撥運京局現存大臺灣礮  
四千觔以上者。酌撥六位。武成永固。及四千觔以上者。酌  
撥四位。小臺灣礮七百五十觔者。酌撥四位。此項小臺灣  
礮。如或觔量不敷。即於七百五十觔上下各項礮內抵撥。  
並將大礮每位。派礮兵十二名。小礮每位。派礮兵五名。隨  
礮什物鐵子火藥備帶齊全。請



飭迅速派委章京押赴通州。營次。以備應用。

諭軍機大臣等。瑞麟奏。通州設防情形。並河西務官軍。應否赴通。及請調京旗礮位各摺片。覽奏均悉。大沽北岸石縫礮臺。於初五日卯刻。被夷攻陷。僧格林沁等。遵旨退守。已諭令將天津府城。及津城後路。通州前路。酌度情形。派兵扼剿。所有伊勒東阿。統帶官兵四千名。應令仍駐河西務。聽候僧格林沁調遣。備調京兵五千名。已令辦防王大臣。催令赴通。一俟到齊。即著瑞麟。量為派撥。擇要駐劄。通州舊存營址。係僧格林沁相度。當屬扼要。八里橋亦係要道。瑞麟應於通州城外安營。於一切調度機宜。自屬便捷。若該大學士固守城內。則匪眾之來。安保不由城。

外越過。轉致扼勒無及。所請將大營移入城中。究不如城外較便。其它濠等事宜。仍著飭令地方官。迅速辦理。至修城一節。暫行緩辦。繪呈通州城圖留覽。其所需礮位。已飭令各旗趕緊運送矣。

欽差大臣科爾沁親王僧格林沁奏。本月初五日卯刻。該夷馬步萬餘名。全力攻撲石縫礮臺。提督樂善督帶官兵奮力攻擊。各礮臺亦開礮策應。已將夷人擊退。惶亂之際。被該夷炸礮將我北岸礮臺及石縫礮臺藥庫燃著。煙氣迷漫。官兵不能看視。該夷捨命回撲。以致失陷。提督樂善登時陣亡。闔營覆沒。該夷既經占踞石縫礮臺。其餘兩岸各營萬

難守禦。努查礮臺雖不能守。馬步兵力尚堪拚死一戰。擬酌量撤退。扼要防守。惟津郡為水陸受敵之處。無論如何厚集兵力。亦不能守。惟有督帶重兵。扼守通州一帶。以固京師。

直隸總督恆福奏。七月初五日。該夷由北岸出隊。攻撲石縫礮臺。提督樂善力竭陣亡。夫守各情。業經僧格林沁馳奏在案。惟北岸礮臺既失。南岸礮臺益孤。萬難扼守。努遵旨。力勸僧格林沁統帶防兵。即日啟程。退守通州一帶。保衛

京師。該大臣誓守礮臺之志雖堅。現經努詳述節次。欽奉

恩旨。該大臣仰體

宸廬。感激之餘。深知領會。才才惟有再行催勸該大臣即速啟程。不令遽蹈危險。以期仰慰

聖懷。俟該大臣起身後。所有一切撤防之事。才率同署天津鎮總

兵冷慶等。妥為照料。才現與該吏照會內。有已奉

旨派有

欽差全權大臣。即日來沽等語。並仰懇

天恩。俯念事勢萬分危迫。

特派重臣。迅速來沽。與該吏當面晤商和議。實為萬幸。並將照會

英佛二夷底件。恭呈

御覽。

諭軍機大臣等。僧格林沁等奏。北岸石縫礮臺失守。現擬遵旨退守一摺。據稱。初五日卯刻。該夷馬步萬餘。攻撲石縫礮臺。因藥庫被燃。以致礮臺失守。提督樂善。登時陣亡。現擬督帶重兵。扼守通州等語。覽奏曷勝憤懣。夷氛猖獗。礮臺雖不能守。而馬步官軍。為數不少。該大臣等。現擬酌量退撤。再圖決戰。實能顧及大局。聞之稍慰。惟通州為京師屏蔽。而天津實為通州門戶。若非力扼天津。恐通州亦難安堵。此時夷勢雖張。而海河防具。層層密布。想船隻尚難立時闖入。且津郡城外。築有濠牆。尚堪扼守。著僧格林沁等。將大沽兵勇。一面撤退。一面前赴津城。將海河兩岸。及郡城守禦事宜。督飭寬惠等。妥為籌畫。後再赴通州。

未可因該處水陸受敵。置之不顧。瑞麟於初一日始往通州。一切布置。尚無眉目。其天津後路。以至通州。應如何相度要隘。擇要嚴防。調撥兵勇。分投堵剿。以臻周密之處。均著該大臣等。妥為辦理。隨時奏報。至大沽礮位軍火不少。並著恆福。將可以運回者。即行搬運。其不能搬運者。礮位即應釘眼。或推落海河。其餘軍裝火藥糧餉等。均應立時焚燬。毋許存留資敵。

又

諭本日據僧格林沁奏。北岸石縫礮臺失守。擬以兵力退保通州。一摺。業由六百里加緊諭知僧格林沁。妥善布置矣。茲據恆福奏稱。事勢危急。已勸明僧格林沁。即日啟程。退守通州一帶。保

衛京師。並將照會喚喇之件呈覽。本日復據文俊等奏稱。接到喇夷照覆。必欲欽派全權大臣。能允二月定款者。方肯會晤等語。具見該督遵旨妥辦。尚能以保全大局為心。欽派重臣一節。該督業經允許。若再行給與照會。現在大沽業已撤防。所有海河內一切防具。亦須多日。方能撤清。庶可由此赴津。惟既敦和好。兵船不必多帶。恐致百姓驚擾。反為無益。至該夷屢次以和誤我。此時大沽之防既撤。由津至通一帶。布置尚未周備。亦正可藉此稍緩時日。該督一面會商僧格林沁等。於附近天津。及由津至通一帶。擇要設備。毋稍疏虞。庶不至墮其術中也。

西甯辦事大臣文俊。武備院卿恆祺奏。竊<sup>才</sup>等。於七月初

四日。在鹹水沽途次。接奉初三日寄

諭。並軍機處擬定照會底來咨二件。遵即錄妥照會。飭委苑副舒

麟。候補縣丞陶檉林。送至該夷處所。嗣據直隸督臣恆福

函稱<sup>等</sup>等萬不可即來海口。以免該夷窺伺大沽虛實。並

鈔錄奏片知照前來。等語。即於初五日。仍回天津。旋據督

臣恆福。差弁來津。送到佛國照覆一件。並聲稱本日北岸

石縫礮臺。已被夷人占踞。提臣樂善業經陣亡。又云

欽差大臣科爾沁親王僧格林沁。豎立白旗。該夷始行停戰。再<sup>等</sup>

等。拆閱佛國照覆。必欲

欽派全權大臣。能允二月定款者前來。方肯會晤。此等情形。雖<sup>等</sup>



等前往。該夷亦必不肯相見。徒為耽延時日。於事反為無益。謹將該外國照會原文恭呈

御覽。伏乞

皇上俯念時事已至十分危急。關係甚鉅。迅

賜簡派重臣。

頒給關防。得有威權。方使該夷敬畏。庶可挽回全局。等等不勝迫

切待

命之至。

諭軍機大臣等。文倭恆祺奏。接到噶夷照會。請另簡重臣赴津一摺。並據恆福馳奏情形。大略相同。噶夷照會。稱必須得本年二

月間所要各款允許。方肯互換和約。情詞實為桀驁。已諭知恆福。照覆該夷矣。噶夷此時尚無照會到來。未知是何意見。文倭恆祺。現駐天津。著俟噶夷照覆到時。即行由驛馳奏。

長蘆鹽政寬惠。鹽運使崇厚奏。竊<sup>等</sup>於初四日將遵

旨派撥兵勇。前赴大沽助剿。並體察情形。兼籌撫局緣由。恭摺由

驛五百里奏

聞。並一面飛報僧格林沁。聽候調遣在案。茲於初五日。等<sup>等</sup>接准欽差大臣科爾沁親王僧格林沁劉知。天津為大沽後路。亦關緊要。未便撥動兵勇。以致人心惶惑。除由僧格林沁專摺奏報外。劉飭<sup>等</sup>暫緩派撥兵勇來沽。仍嚴防津郡等因。伏

查昨奉

諭旨。令將防守天津兵勇。悉數調赴大沽協勦。仍由僧格林沁派員管帶。等語。即經分飭趕緊齊隊。派令原帶之員。妥為管帶。正在陸續啟程間。接奉前因。現在仍飭管帶官。整裝以待。一俟奉聞行調。立即催令起行。不致延緩。

諭軍機大臣等。本日據寬惠等奏。赴援大沽兵勇。現在整裝以待。並據僧格林沁等奏。北岸石縫礮臺失守。大沽兩岸。萬難支持。各一摺。業由六百里加緊諭知僧格林沁等。妥籌辦理矣。津郡為京師門戶。大沽既無可守。則津郡愈形喫重。所有前調兵勇。即著無庸派赴大沽。留於該郡。嚴密布置。並督飭石贊清。激勸

民心竭力堵禦。於天津附近各要隘處所層層設備。迎頭截擊。毋得稍有疏虞。致令京師震動。是為至要。僧格林沁本日已令其酌撤大沽兵勇。退保天津。以定人心。其應如何守禦機宜。寬惠崇厚等。即可稟承該大臣熟商妥辦。力求防勦之策。方為妥善。

又

諭。本日據僧格林沁等奏。初五日卯刻。北岸石縫礮臺。被夷攻陷。情形危急。擬遵旨退守。以保京畿。已諭該大臣將天津城守。及津城後路。通州前路。妥籌布置矣。焦祐瀛等。於今日啟程。所有危急情形。諒已在途探悉。此時雖有文俊等議撫。亦不過暫時

羈縻。恐將來終須勦辦。著即飛速前進。馳抵天津。趕即出示曉諭四鄉居民。激以大義。並懸賞格。令其同心殺賊。該夷如不受撫。竟來撲犯。即糾集團勇。痛加勦洗。使該夷知所畏懼。焦祐瀛等。自能斟酌緩急。相機籌辦也。

正紅旗漢軍副都統增慶奏。竊於咸豐十年七月初五日。接准軍機大臣字寄。七月初三日奉

上諭。前據僧格林沁奏等因。欽此。查前六月二十八日。准

欽差大臣僧格林沁咨調副都統格綱額。將山海關防次吉林。黑龍江馬隊官兵。全數帶赴天津。擇要駐劄。以備迎擊等因。到營。當經督轉行該副都統。將在防之吉林。黑龍江。各起

官兵一千三百名。除因病不能啟程官兵二十五員名。留  
閩醫治。並咨留通曉蒙古言語文字之官兵二十員名。辦  
理卓索圖盟事件。教演該盟槍箭技藝。其餘官兵。即交格  
綱額。全數統帶。於二十八日。星夜啟程。刻下計可到津。前  
奉寄

諭。已由粵飛咨該副都統遵

旨。探聽大沽情形。取路前進。聽候僧格林沁調遣。以資救援。現在  
山海關。除大城旗綠官兵外。調防官兵。尚有卓索圖盟馬  
隊一千名。宣化通永兩鎮步隊二千名。粵  
惟有隨時督飭  
加意嚴防。以期仰慰

宸廑。

硃批。知道了。

署察哈爾都統慶昫奏。竊於七月初一日寅刻。承准軍機大臣字寄。六月二十九日奉

上諭。連日疊據僧格林沁等奏。等因。欽此。伏查察哈爾各旗續挑之兵。前次共傳一千五百名備挑。其間總有不堪入選者。今奉

諭旨。調取二千名。以資捍衛。自應變通辦理。以應急需。等因。現已飛催派往挑兵之協領舒都爾古等。令其先就已赴齊集之兵。迅速挑選精壯一千名。隊官等項如額。即著前派定之

正營總參領那木薩賴。參領額勒哲伊。副營總佐領奇莫特。多爾濟。佐領西爾滿。分起管帶。即令前次奉

旨統帶官兵之總管那瑪善。先行率領前往通州。徑赴瑞麟軍營。務於初十以前。趕緊進口啟程。惟所需軍械。前係按兵一千名。分別造辦。非但不敷二千兵丁之用。且現在購造。尚未報齊。擬將弓箭鳥槍。先由駐防兵丁名下。酌量抵撥。加以現造已成之數。並刀矛等件。劃清冊檔。可期不誤。此時頭起馬隊一千之用。一面迅籌添造。俾得撥與二起前進。至於應用之錫帳等類。以及鉛丸火藥等項。業已照案先行飛咨瑞麟。豫為籌備。以期應手。此項兩起官兵。擬仍比



照往屆。各從齊集之日起。至進口之日止。由捐輸項下。按照覈減口分數目。分別官員兵丁。計日發放。以期濟急而固軍心。

硃批知道了。

乙亥。

諭軍機大臣等。前因天津大沽後路。萬分喫緊。諭令托明阿。將前調馬隊一千五百名。成凱。英桂。德勒克多爾濟。前調駐防兵一千名。春佑。前調熱河兵五百名。譚廷襄。前調陝西兵三千名。慶昫。前調馬隊二千名。文燦。原調山東兵三千名。恩燾。原調青州德州兵五百名。玻崇武。酌量於密雲調撥若干名。文謙。除已調

赴外。尚有未調兵一千五百名。均即起緊調派。馳抵通州。聽候調遣。本日復據僧格林沁等奏。大沽兩岸礮臺。危急萬分。著托明阿等。遵照前旨。迅速調發。攜帶軍火器械。催令管帶之員。呈夜馳赴通州。毋得稍有遲延。致誤事機。慶昫。所調察哈爾馬隊。已報一千名啟程。尚有未啟程馬隊一千。仍即起緊催齊赴通。坡崇武。於密雲挑選官兵五百名外。堪備再調。尚有若干名。前曾令迅速具奏。熱河兵五百名。春佑已報啟程。現在事機緊迫。必得厚集兵力。以固京師門戶。所調各馬步隊。尚形單薄。未足以資保障。除察哈爾勿庸再調外。著托明阿。成凱。德勒克多爾濟。春佑。文煜。英桂。譚廷襄。文謙。於原調各兵外。再行酌量調撥。

務期多多益善。攜帶軍火器械。兼程赴通。不得以無兵可調。藉詞搪塞。昨日據增慶奏。山海關尚有卓索圖盟馬隊一千名。宣化通永兩鎮。步隊二千名。著即全數撥調。同各處續調之兵。並著派委得力之員。管帶赴通。交僧格林沁。瑞麟。統帶。以壯聲威。而資扼守。

直隸布政使文謙奏。竊<sup>才</sup>於本月初四日巳刻。接奉軍機大臣傳諭。咸豐十年七月初三日奉

上諭。本日據僧格林沁等奏。大沽後路喫緊。萬分等因。欽此。<sup>才</sup>遵查奉調直隸兵三千名內。已派督標。提標。正定。宣化。二鎮各營兵一千五百名。當於奏報後。即經移會。並復咨催各

提鎮。趕緊挑選。派員管帶。星速啟程赴通。不日約可抵防。其餘兵一千五百名。等查前奉督臣恆福行知。以直隸督標。提標。並各鎮實存兵數。除分守各汛。並調赴海防外。存兵無多。設再有徵調。深恐籌撥為難。曾經奏明在案。連日會同署督標中軍副將崇福。悉心覈商。抽調實屬不易。惟近日夷情益張。拱衛

神京。最關緊要。未敢稍事拘泥。依可移緩就急。擬請在督標各營內。選調兵一百名。提標各營內。選調兵三百名。正定鎮各營內。選調兵三百名。宣化鎮各營內。選調兵三百名。共計兵一千名。尚不敷五百名。查馬蘭鎮標。現存綠營兵

二千五百餘名。擬調派二百名。秦甯鎮標。現存綠營兵三千餘名。擬調派三百名。叢計所調。不過十分之一。似於守護尚不致過形單薄。連前共奏兵一千五百名。統計先後揀派兵三千名。業已足數。一併移會各提鎮。趕緊挑選一律精壯。配齊軍火。派員管帶。呈夜啟程。馳赴通州。聽候調遣。至統帶大員。現經接奉督臣恆福札飭。以署宣化鎮總兵揀發副將金泰。距通較近。以之派往。可期迅速。自當遵照印飭。該署總兵前往管帶。俾資統率。

硃批。知道了。

諭軍機大臣等。又謙奏。續調官兵。派員管帶。馳赴通州一摺。此次

續調官兵內。馬蘭鎮二百名。秦甯鎮三百名。為數無多。况係守護為重。馬蘭鎮兵尤難調出。著文謙於直隸各營中。另行挑選精兵五百名。補足一千五百名之數。仍遵前旨。飭令迅速馳赴通州。聽候僧格林沁。瑞麟調遣。其原調馬蘭秦甯二鎮之兵。均著各歸原汛。

熱河都統春佑奏。竊於七月初一日。承准軍機大臣字寄。六月二十九日奉

上諭。著春佑挑選熱河兵五百名。馳抵通州。聽候瑞麟調遣等因。欽此。於遵即在於滿營現存兵一千二百名內。擇其年力強壯者。挑選五百名。揀派協領禧霖。作為營總。協領銜佐

領全亮。佐領托當阿。作為副營總。防禦綽班泰等十員。作為帶隊官。共派官十三員。飭令配齊軍裝器械。分為三起。即於初四。初六。初八等日啟程。前赴通州。聽候調遣。

硃批。知道了。

算解天務始末卷之五十六